

揭張晉心臟病發細節 蔡少芬嘆險變寡婦



■Ada與朱茵皆曾為無綫拍過不少經典劇集。

集合蔡少芬（Ada）、汪明荃（阿姐）的邵氏新劇《風華背後》昨日進行拜神儀式，Ada與阿姐兩大視后率領朱茵、黃宗澤、蔡潔、譚俊彥亮相。早前Ada丈夫張晉自揭今年4月曾心臟病發緊急送院，可謂死過翻生。Ada昨日披露當時一家人在新加坡外遊，老公忽然無法呼吸，自己誤以為老公感冒，回港後張晉經電腦斷層掃描發現有血管堵塞逾80%，需即時做支架，她回想道：「我差少少做咗寡婦！」

採、攝：梁靜儀

《風華背後》卡士強勁，昨日劇組安排譚俊彥、黃宗澤送上蛋糕為阿姐提早慶生，令她笑逐顏開。早前張晉自爆突然心臟病發，Ada大談當時險境：「嗰時我哋一家人嚟新加坡玩，佢突然呼吸唔到，3月都試過，所以我問過醫生亦幫佢做咗心電圖測試，心電圖很靚仔沒事。」Ada稱突然動彈不得：「老公講唔到嘢要到一邊坐低，之後即時聯絡醫生，心諗係咪感冒？我無向（心臟病）依方面諗。」

爆丈夫血管堵塞逾80%

她指隔日傾偈時，張晉話『望住我哋四個（Ada與子女），如果自己瞓低了，可能見唔到你哋，我一定唔可以讓自己瞓低要企翻起身，結果我企起身！』Ada聽到丈夫的肺腑之言也流淚。事後回港經電腦斷層掃描發現有血管堵塞逾80%，要即時做支架。她透露：「我知道時甚至跪地喊，依家先知一剎那可以永別，幸好沒事，如果有事我一定會瘋！」

阿姐稱家英哥錫傳媒

Ada直言事後夫妻更珍惜彼此，身為四川人的張晉更為健康戒油戒辣，她回憶道：「我差少少做咗寡婦！佢差啲客死異鄉。」至於張晉已返內地工作，要多做帶氧運動保健康。至於阿姐坦言繼《華麗轉身》後逾10年沒拍劇，與Ada合作已是逾20年前的《創世紀II天地有情》，今次卡士亦覺吸引。阿姐說：「相信開工唔會太辛苦，只係為戲中兩個女兒蔡少芬、朱茵啖交激動。」提到羅家英早前受訪被阿姐罵他「亂講嘢」，阿姐笑言：「佢講得太多，就係怕傳媒無嘢寫，不過我都唔知佢做訪問。」



■汪明荃直言《風華背後》的卡士令她心動。

劉洋李金凱合體 狂派笑彈



「歡樂拍檔」劉洋、李金凱前晚於麥花臣場館合體舉行《中三夏日感謝祭演唱會》，演唱會中金凱特別與韋綺珊合唱經典歌《相逢何必曾相識》，他與劉洋又聯手演繹《射雕英雄傳》三部曲向經典致敬，最驚喜是「靖哥哥」黃日華也親臨支持，令觀眾歡呼聲不絕。尾聲高潮位的快歌 Medley，肥媽即與上台引得全場觀眾紛紛站立齊唱齊跳；劉洋、金凱更走落台與觀眾近距離互動，氣氛熱烈。劉洋與李金凱不但展現音樂魅力，平日已孖公仔出場的二人，同台時即與互動也笑料百出，盡見默契，令觀眾笑聲不絕。

■劉洋（左）與金凱在舞台上大晒舞技。



■子溢乏信心着緊身單車衫示人。

自嘲身材走樣 羅子溢拒着單車衫

見稱，馬明特別化身記者，八卦問子溢拍攝時可有穿着緊身單車衫騷線條，他搞笑回應：「我有乜身材着嗰套緊身衣㗎。」馬明即笑笑口抽水：「你冇身材？」子溢尷尬回應：「我唔同之前，以前拍劇集《衝線》着單車衫，比較立體啲，但依家心理未有準備，又唔係係緊單車衫所以我要求着短褲得唔得！」他直認節目組確實安排了單車褲，馬明即笑言：「你着得起喇！」馬明咄咄逼人，場面搞笑。

林凱恩大解放晒水着

一向形象健康的林凱恩（Iris）昨日踏入33歲，她醒目地在社交平台晒池畔水着照慶牛一，順道滿足粉絲，果然識做。她寫道：「這一年讓我漸漸學懂把愛分給自己，多一點冷靜，多一點自由，多一點坦然。」Iris透露繼續帶着無數的迷茫與不確定，仍堅定地走向下一階段的自己。她又稱：「親愛的自己，生日快樂，願我絢如夏花，今天只有一點點不同，但依舊美好。」乘機晒正能量。不少網民在帖文下留言祝賀壽星女，除了指這位宅男女神夠索，有人更稱讚Iris：「夏天又要流血鼻啦！」不過，竟有口多網民搞笑留言，指Iris是「30路美魔女」。



■性感上陣的Iris仙氣逼人。